

女

科

輯

要

靖王士雄孟英參

沈曉封先生博 錢塘後學徐政杰鴻輝補注

男 之藩友珊校

產

杰按濟生產經曰胎前之脈貴實產後之脈貴虛胎前則順氣安胎產後則扶虛消瘀此其要也丹溪云產後脈洪數產前脈細小澁弱多死懷妊者脈主洪數已產而洪數不改者多主死

楊子建十產論一曰正產二曰傷產未滿月而痛如

欲產非果產也。名爲試月，遽爾用力，是謂傷產。三日催產，正產之候悉見，而難產。用藥催之，是謂催產。四日凍產，冬產血凝不生。五日熱產，過熱血沸，令人昏暈。六日橫產，兒身半轉，遽爾用力，致先露手。令穩婆徐推兒手，使自攀耳。七日倒產，兒身全未得轉，即爲用力致先露足。令穩婆推足入腹。八日偏產，兒未正而用力所致。九日礙產，兒身已順，不能生下，或因膀胱絆肩，令穩婆撥之。十日坐產，急于高處繫一手巾，令母攀之，輕輕屈足坐身可產。十一日盤陽產，臨產母腸先出，然後兒生。產後若腸不收，用醋半盞，新汲。

水七分和勻。嘆產母面每嘆一綰，二嘆盡收。孕婦止腹痛，未必產。連腰痛者將產。胞繫於腎故也。腹痛試產母手中指中節，或本節跳動，方臨盆。卽產。

· 雄按：中指跳動亦有不卽產者。更有腰腹不甚痛，但覺痠墜而卽產者。

兒未生時，頭本在上。欲生時，轉身向下。故腹痛難忍。此時婦當正身，寬帶仰臥。待兒頭到了產戶，方可用力催下。若用力太早，或束肚倚著兒，不得轉身，卽有橫生逆生手足，先出之患。

許叔微曰：有產累日不下，服藥不驗。此必坐草大旱。

心懼而氣結不行也。經云恐則氣下。恐則精怯。怯則上焦閉。閉則氣逆。逆則下焦脹。氣乃不行。得紫蘿飲一服便產。方見子懸門

雄按難產自古有之。莊公寤生見於左傳。故先生如達不坼不剖。詩人以爲異徵。但先生難而後生易。理之常也。晚嫁者尤可必焉。然亦有難晚嫁而初產不難者。非晚嫁而初產雖易繼產反難者。或頻產皆易。間有一次甚難者。有一生所產皆易。一生所產皆難者。此或由稟賦之不齊。或由人事之所召。未可以一例論也。諺云。十個孩兒十樣生。至

哉言乎。若得兒身順下。縱稽時日。不必驚惶。安心
靜俟可耳。會稽施圃生。茂才誕時。其母產十三日。
而始下丹子。皆安。世俗不知此理。稍覺不易。先自
慌張。近有凶惡穩婆。故爲恫嚇。妄施毒手。要取重
價。鬻而出之。索謝去後。產母隨以告煩者有之。奈
貿貿者。尚誇其手段之高。忍心害理。慘莫慘於此
矣。設果胎不能下。自有因證調治諸法。卽胎死腹
中。亦有可下之方。自古方書。未聞有醫割之刑。加
諸投生之嬰兒者。附識於此。冀世人之憬然悟而
勿爲凶人牟利之妖言所惑也。但有一種驟形者。

交骨如環不能開坼。名鎖子骨。能受孕而不能產。
如懷娠必以婉難死。此乃異稟。萬中不得其一。如
交骨可開者。斷無不能婉者也。方書五種不孕之
所謂驃者。卽驃字之譌也。蓋驃馬交而生驃。純牝
無牡。其交骨如環無端。不交不孕。稟乎純陰。性極
馴良而善走。勝於驥馬。然亦馬之屬也。易曰。坤為
馬。行地無疆。利牝馬之貞。皆取象於此之謂也。人
賦此形而不能安其貞。則厄於婉矣。

催產神方 治胎漿已出。胎不得下。或延至兩三日
者。一服即產。屢用有

當歸四錢 人參一錢 牛膝二錢 川芎一

錢 龜板三錢 豚石三錢 研肉桂一錢 去皮

益母二錢 水煎服

雄按此方極宜慎用夏月尤忌必審其確係虛寒者始可服之通津玉靈湯最妙余用豬肉一味煎清湯服亦甚效

如神散 路上草鞋一雙 名千里馬 取鼻梁上繩洗淨燒灰童便和酒調下 三錢 神驗 武叔卿濟陰綱目云於理固難通於用實靈驗按千里馬得人最下之氣佐以童便之根下酒性之行血故用之

良驗。此藥不寒不熱，最是穩劑。

補按催生藥不宜輕用。必胎近產門而不能卽下始可用之。又須量其虛實。或補助其氣血。或展拓其機關。寒者溫行。熱者清降。逆者鎮墜。未可拘守成方而概施也。

婦人良方曰：加味芎歸湯入龜板治交骨不舒。醋油調滑石塗入產門爲滑胎之聖藥。花蕊石散治血入胞衣，脹大不能下。或惡露上攻。草麻子治治衣不下。佛手散治血虛危證。清魂散治血暈諸證。失笑散治惡露腹痛。不省人事。平胃散加樸

硝爲腐死胎之藥

杰按佛手散亦下死胎。胎死先宜服此，不傷氣血。
服此不下，次用平胃模硝可也。

凍產治驗 劍復真治府判女產死將殮，取紅花濃
煎，扶女於凳上，以綿帛蘸湯盦之，附以燒帛上，以器
盛之。又煖又淋，久而蘇醒，遂產一男。蓋遇嚴冬，血凝
不行，得溫故便產也。

逆產足先出用鹽塗兒足底，橫產手先出塗兒手心。

杰按鹽蟹手足縮入俗乃謂之討鹽生也。
胞衣不下

急以物牢扎臍帶，墜住使不上升。然後將臍帶剪斷，使血不入胞。萎縮易下。若水藥先斷，胞升，湊心必死。
杰按保生錄：覺胎衣不下，產婦用自己頭髮塞口中，打一惡心，即下。切須放心，不可驚恐，不可聽穩婆妄用手取，多致傷生。又以草紙燒烟薰鼻，即下。芒硝三錢，童便沖服，立效。

食療良方
生目曉

松潤一老穩婆，包醫是證。自帶白朮藥一包，貢牛膝二兩，同煎去渣，沖童便半盃服，立下。

白朮藥末，是元明粉，元明粉即

製朴硝也。

產後喜笑不休

一老嫗云產時破待者挾落腰子。使然用烏梅肉之。
個煎湯服立效。

嘉郡錄

惡露過多不止

伏龍肝二兩煎湯澄清。辨入阿膠一兩服。如不應加
人參。

惡露不來

輕則艾葉及奪命散。重則無極丸。寒凝者內桂紅花
等藥併花蕊石散。

媚按產後苟無寒證的據。一切辛熱之藥皆忌。惡
露不來腹無痛苦者勿亂投藥。飮鹽之可也。如有

疼脹者。祇宜丹參丹皮、元胡、滑石、益母草、山楂、澤蘭、桃仁、歸尾、通草之類爲治慎毋妄施峻劑。生化湯最勿擅用。

九竅出血

彙補云。九竅出血死證恒多。惟產後瘀血妄行。九竅出血。有川逐瘀之藥而生者不可遽斷其必死。此是閱歷後之言。不可忽畧。雖無方藥。其法已具。

黑氣鼻衄

郭稽中云。產後口鼻黑氣起及鼻衄者。不治。蓋陽明爲經脈之海。口鼻乃陽明所見之部。黑氣鼻衄。是營

術散亂。營氣先絕。故不濟。

詳立齋云。急切一味參

薑飲加附子亦有得生者。

眩暈昏冒

去血過多者宜重用阿膠水化畧加童便服。

血去不多者宜奪命散沒藥去油二錢血竭一錢共研末分兩服。糖調酒下。二條宜與前惡露過多二條參看

錢姓婦產後發暈。兩日不醒。產時惡露甚少。量時惡露已斷。伊夫向鄰家討琥珀散一服。約重二錢許。酒調灌下。即醒。其藥之色與香俱似沒藥大約即是血竭沒藥之方。

庚辰春呂姓婦分娩次日患血暈畧醒一刻又目
閉頭傾一日數十發其惡露產時不少今亦不斷
脈大左關弦硬用酒化阿膠一兩衝童便服是夜
暈雖少減而頭汗出少腹痛有形寒戰如瘡戰已
發熱更甚投沒藥血竭奪命散二錢酒調服寒熱
腹痛發暈頓除惟嫌通身汗出此是氣血已通而
現虛象用黃耆五錢炒歸身二錢甘草一錢炒棗
仁三錢炒小麥五錢大棗三個煎服汗止而安
雄按惡露雖少而胸腹無苦者不可亂投破瘀之
藥今秋周鶴庭人新產眩暈自汗嬾言日不能

開乃父何新之。視脈虛弦浮大。即拉余商治。詢其惡露雖無。而脘腹無患。乃投以牡蠣石英龜板。龍甲琥珀丹參甘草紅棗小麥之劑。覆杯卽減。數日霍然。此由血虛有素。既娩則營陰下奪。陽越不潛。設泥新產瘀衝之常例。而不細參脈證。則殺人之事矣。

發狂譖語

惡露不來者。是血瘀。宜無極丸。惡露仍通者。是痰迷。宜六神湯。牛夏麌一錢。橘紅一錢。膽星一錢。石菖蒲一錢。茯神一錢。旋覆花一錢。冰煎。滤清服。

一成衣婦產後半月餘發狂打罵不休其夫鎖之磨上余付無極九六錢分兩服酒下服畢即愈越四五日復發又與六服後不復發

丁姓婦產後神昏譖語如狂惡露仍通亦不過多醫者議攻議補不一金尚胸前輩後至診畢曰待我用一平淡方喫下去看用杜刮橘紅石菖蒲等六味一劑神氣清四劑霍然此方想是歷驗故當此危證絕不矜持歸語舍弟賈虞答曰此名六神湯余未考其所自

甲戌孟春錢香樹先生如君產後微熱病悶時時

諸語惡露不斷余用理血藥不應改用六神湯四

劑病去如失

不能語

武叔卿曰熱痰迷心使然。膽星一錢。柏紅一錢。
半夏一錢五分。石膏一錢。熟金一錢。水
煎入竹懸。一調羹。生薑汁三小茶匙服。按肺昏不
語有虛有實當參旁證及脈。

聲啞。按屬腎虛。補腎之中宜兼溫通。

元生地四錢。茯苓二錢。山藥一分炒。錢五
錢。肉桂五分。遠志肉五分。水煎服。

呃逆

虛脫惡候人參送黑錫丹十全一二。

杰按姜用川采草，冊載黑鉛乃水之精，入丸方
王癸，凡遇陰火衝逆，真陽暴脫，氣喘痰鳴之急證。
同桂附回陽等藥用之，立見奇功。卽經云重劑是
也。

又按姜又載何惟丹先生呃逆治驗方云：傷寒呃
逆，聲聞數家者，用刀豆子數粒，瓦上煅存性爲末，
白湯調下二錢，立止。又本草綱目云：病後呃逆，刀
豆連殼燒服，姜云：此方宜入旋覆代赭湯。

沈按有脫閉二證。下血過多者是脫證。喉中氣促
命在須臾。方書雖有參蘇飲一方。恐不及待。惡
露不快者是閉證。投奪命丹可定。如不應。當作痰
治。此皆急證。更有一種緩者。要全善所云產後喘
者多死。有產二月洗浴。卽氣喘坐不得臥者。五月
惡風。得煖稍緩。用丹皮桃仁桂枝茯苓乾薑枳實
厚樸桑皮紫蘇五味瓜蔞煎服。卽臥其疾如失。作
污血感寒治也。按此亦是痰證。所以能持久。痰滯
陽經。所以惡寒。方中著力在瓜蔞厚樸枳實桂枝。

茯苓乾薑五味數味。參葛多薑。

發熱

沈按產後發熱所因不同。當辨證參看。感冒者鼻塞亦不可過汗。經有瘀血無汗之禁。只宜芎歸湯。停食者。喫腐飽悶。宜平劑消食。血虛發熱無別證者。脈大而芤。宜歸芪。陰虛者。煩渴脈細。宜生地阿膠。更有一種表熱裏寒。下利清穀。煩渴惡熱。脈微細者。此少陰危證。宜四逆湯。

雄按暴感發熱。可以鼻塞驗之。苟胎前伏邪。分娩後陡發者。何嘗有頭疼鼻塞之形證乎。雖脈亦有不

卽頑露者惟舌苔頗有河蟹或摩白而膩或黃膩
黃燥或有赤點或微苔舌赤或口苦或口渴或胸
悶或洩熱此皆溫溼暑熱之邪內蘊世人不察再
飲以糖酒生化湯之類則輕者重而重者危不過
明眼人亦但知其產亡而不知其死於何病誤於
何藥也我見寢多每爲太息其後條之年寒年熱
亦當如是謗譽無免過以天殃也

年寒年熱

武叔卿曰血閉於陽經榮衛行之不通則寒血閉於
陰經榮衛行之不通則熱必熱通而後寒散自己

仲景曰病有消渴惡寒者陽氣不足陰往乘之陰脈不足陽往乘之

沈按前條是缺陽後條是陰陽相乘甚則俱有戰慄者治瘀血宜奪命丹調補陰陽輕則歸者建中重則桂附入參

頭汗

王海藏云頭汗出至頭而達額止偏多蓋額爲六陽之會由虛熱蒸蒸而出也

沈按汗出不止屬氣血兩虛黃耆炒五錢白芍炒三錢歸身二錢東仁炒一錢甘草炒一錢小麥炒

三錢蒲棗肉三錢煎服神效。

興眩暈內呂桂
一按參異

泄瀉

乙亥初夏傅木作婦產時去血過多隨寒戰汙出便瀉不止余用大劑真武乾薑易生薑兩劑戰少定而汗瀉如故又服兩日寒戰復作余用補中湯無人參加附子兩劑病者云我肚裡大熱口渴喜飲然汙出不利寒戰仍不減正凝神思慮間其母曰彼大孔如洞不能收閉諒無活理余改用黃耆五錢炒北五味四錢搗白芍二錢炒歸身一錢五分炒甘草一錢五分炒茯苓二錢山藥二錢大棗

三個一劑病減四劑而愈。

雜按觀此案則可見氣虛不能收攝者宜甘溫以補之酸澀以此之不可用辛熱走泄以助火而食氣也。

鄒氏婦產後便泄余用參附溫補藥未效新城吳敬一診云虛寒而兼下陷用補中益氣加熟地茯苓桂附應手取效以是知方論內言下虛不可升提不盡然也。

陸姓婦產後三日發疹細而成粒不稀不密用荆芥薄荷桔子等藥一劑頭面俱透越一日漸有回

憲忽大便溏泄數次。覺神氣不寧。問其所苦。曰。熱

口渴。語言皆如抖出。脈虛細數。有七至。我師金大

文診之曰。此陽脫證也。屬少陰。用生附子三錢冰

切片燒如炒米色炮乾薑八分炒甘草一錢炒白芍一錢

五分水煎衝入尿一調羹。青魚膽汁四小茶匙。

巾無猪胆故以此代卽羊胆亦可服畢卽睡覺來。熱渴俱除。續用

黃耆建中湯加丹參蘇木二劑而安。

產後惡露不行。餘血滲入大腸。洞泄不禁。或下青

黑物的奇敵極驗。荆芥大者四五穗。於薑內點火

燒成灰。不得犯油火。入麝香少許研匀。沸湯一兩

洗署滿

坤調下此藥雖微能愈大病慎弗忽視

千金膠蠅湯治產後利。黃蠅二碁子大阿膠二
錢。當歸二錢半。黃連三錢。黃檗一錢。陳米半升。煎
湯煎藥服。

便祕

金匱云。亡津液。胃燥故也。

沈按當用當歸。肉蓯蓉。生首烏。麻仁。杏仁。不應用
麻仁。九四五十九。

頭痛

沈按陰虛於下。則陽易升上。致頭痛者。童便最妙。

褚侍中云。重便降火甚速。降血甚神。故爲療厥逆。
頭疼之聖藥。若血虛受風。宜一奇散。卽芎歸湯也。
翻按載一產婦頭痛。日用補中益氣已三年。稍勞。則惡寒內熱。擬作陽虛治。加附子一錢於前湯中。數劑不發。

胃脘痛腹痛少腹痛

沈按有血瘀血虛停食。感寒肝氣之異。手按痛減者。血虛也。按之痛增者。非停食卽瘀血。停食則右關脈獨實。且有噯嘔氣。瘀血則所下惡露必少。得熱卽減者。感寒也。至若厥陰肝脈抵小腹。挾胃又

爲藏血之臟。血去肝虛其氣易動。一觸氣微隨發。
腹大痛治法血虛宜歸養。建中消食推查肉米
最妙。兼和血也。消瘀宜奪命散。感寒者輕則炮薑
艾葉。重則桂附茱萸。肝氣之痛。養血藥中加川棟
橘核苦以泄之。重則烏梅丸。辛散酸收苦泄並用。
杰按一婦產後腹痛。令其夫以手按之。小腹痛尤
甚。下惡露而痛仍不減。知其非瘀。乃燥熱也。予藥
一劑。大便潤下而愈。姜用川治驗。炮薑五分。丹
皮二錢。歸身三錢。川芎一錢五分。山楂二錢。炒枳
殼一錢五分。炒麻仁二錢。杵爛桃仁泥二錢。生地

二錢炙甘草四錢加研爛松子仁五粒

補脾六云。下血過多。肝經血少。腹痛。其脈弦者。以熟地萸肉爲君。加白芍木瓜蒺藜一劑可止。有難產久坐。風入胞門。致腹痛欲絕。其脈浮而弦。續斷一兩。防風五錢。服之立愈。

腹中虛痛胸項結核

薛按一產婦腹中有物作痛。投破氣行血藥。尤甚。肢節胸項各結小核。隱於肉裏。此肝血虛也。蓋肝爲藏血之臟。而主筋血虛則筋急而癢。見於肢節胸項者。以諸筋皆屬於肺。而胸項又肺之部分也。用八珍湯。

遙歸脾加減治驗

小腹痛瘀血成膿

薛案載一產後小腹作痛。行氣破血不應。脈洪數。此瘀血成膿也。用瓜子仁湯二劑痛止。更以太乙膏下。膿而愈。產後多有此證。雖非痘。用之神效。脈洪數。已有膿。脈但數微。有膿脈遲緊。但有瘀血。尙未成膿。下血即愈。若腹脹大。轉側作水聲。或膿從臍出。或從大便出。宜用蠟礬丸。太乙膏及托裏散。凡瘀血宜急治。緩則化爲膿。難治。若流注關節。則患骨疽。失治多死。

雜按古今醫案載一婦產後懶怠左少腹結一塊

每發時小腹脹痛從下攻上隔

開乳士皆痛飲食

入胃即吐。徧治不效。葉香巖用

炒黑小茴一錢桂

酒炒當歸二錢。自製鹿角霜菟

絲子各一錢五分

生查肉三錢。川芎八分水煎送

阿魏九七分八劑

而愈。次用烏鵲煎丸原方半料。永不復發。又云消

積之方。如桃仁煎用大黃蟲蟲芒硝東垣五積丸

俱用川烏巴霜局方聖散子三

稜煎丸俱用礪砂

乾棗此皆峻厲之劑。用而中病。

固有神效。若妄試

輕嘗鮮不敗事。試閱葉案積聚

門竝無古方狠藥

如于金硝石丸人參硝黃竝用。丹溪猶以爲猛劑。
學者但將丹溪治積聚諸案細繹自有悟處而黑
神丸生熟泰竝用尤勿輕試。每見服之誤事因思
泰身爲癩之言則飛補之說其可惑乎。

腰痛

夫全產後惡露方行忽然斷絕腰

中重痛下注兩股

痛如錐刺入骨此由血滯經絡不

即通之必作瘡疽

宜桃仁湯五倍連翹湯

沈按前方不穩。环若用桃仁紅

花地龍肉桂淡薄

當歸爲妥。

如神湯治瘀血腰痛延胡當歸肉桂等分水煎服。

沈按腰痛不見前證者多屬肝腎虛宜當歸杜仲

補骨脂之類

遍身疼痛

薛云以手按之痛甚者血滯也按之痛緩者血虛也

浮腫

沈按產後浮腫先要分水病氣病水病皮薄色白而亮如裹水之狀氣病皮厚色不變經云腎者胃之關也關門不利聚水生病蓋產後腎氣必損胃底陽微不能蒸布津液通調水道此聚水之由也

宜腎氣湯丸是證皮薄色白可證人身營衛之氣通則平滯則脹頑痰瘀血皆能阻滯氣道作腫是證皮厚色不變以脈弦者爲痰脈結或乳者爲血分證分別論治用藥更有一種血虛而致氣滯者其腫不甚色帶淡黃宜歸身爲君佐以白朮陳皮茯苓之類

咳嗽

一婦妊娠七八個月痰嗽不止有時嘔厚痰數碗投二陳旋覆不應用清肺滋陰愈甚遂不服藥彌月而產痰嗽如故日夜不寐三朝後二陳加膽星竹

憑吐出厚處數碗。嗽仍不止。更用三陳加旋覆。當歸少減。稍可喫飯。因嗽不減。痰漸變薄。加入生地四錢。食頓減嗽。轉甚。通身汗出。脈象微弦。用歸身三錢。茯苓二錢。炒甘草一錢。紫石英三錢。因汗欲用黃耆。因嗽又止。推敲半晌。仍用炒黃耆三錢。一服汗止。而嗽亦大減。十劑而安。

口眼喎斜

丹溪云。必須大補氣血。然後治痰。當以左右手脈分氣血多少治之。切不可作中風治。用小續命湯治風之藥。謂小續命湯等治風之藥不可用也。

腰背反張

薛云。產後腰背反張。肢體抽搐。因亡血過多。筋無所養。使然。大補氣血。多保無虞。若發表驅風。百不全一。武叔卿云。寒主收引。背項強直。寒在太陽經也。諸家皆主續命湯。此古法也。郭氏不問產後虛實。邪之有無。概用續命。似覺一偏。至薛氏專主亡血過多。非十全大補不可。是或一見乃夷堅志。按以大豆紫湯獨活湯而愈。亦主於風寒。是續命固不爲妄也。但本方有麻黃附子。氣血兩虛人不可輕用。而郭氏論又囑人適瀉取汗。而解偏不以麻黃爲忌。何也。二說俱不

可廢。臨診時詳之。

湘按仲景論腰背反張爲癰。無汗者名剛癰。主以葛根湯。有汗者名柔癰。主以桂枝加葛根湯。桂枝湯乃治風主方。故有汗之癰屬風。葛根湯中用麻黃。麻黃乃散寒主藥。故無汗之癰屬寒。仲景治少陰傷寒未見吐利之裡證者。用麻黃附子細辛湯。麻黃附子甘草湯微發汗。蓋寒邪乘少陰之虛而欲入。急以附子保坎中之陽。而以麻黃散外感之寒。真神方也。小續命湯雖非仲景之製。方中用此二味。正見攻守相須之妙。而叔卿反云麻附二味。

氣血兩虛者不可輕用。假使除卻麻黃，何以散客
寒？除卻附子，何以保真陽？特不可用於有汗之柔
症耳。有汗柔症更有兩種。一則因虛而受外來之
風。一則血虛則筋急，並無外感之風。有風者雖汗
出必熱。惡風主以華元化愈風散。祇血虛而無風
者，必不惡風。施宜補血。

又按人身氣血之外，更真陽真陰藏在坎中，來
立命之根基。胎系於腎。腎司二陰。產育之時，下焦
洞闢。坎中陰陽有不大損者乎？况背後夾脊四行，
俱太陰經脈。太陽之裡，即是少陰。脊裡一條，是督

脈亦隸少陰。此脈急縮與少陰大有關會。此用麻
兼用附之深意也。使置此不講。徒執氣虛血虛以
治產後百病。業醫亦覺太易矣。

小續命湯 治產後中風。身體緩急。或頑痺不仁。或
口眼喎斜。牙關緊急。角弓反張。

防風一錢 麻黃去節 黃芩 白芍 人參
川芎 防己 肉桂各五分 附子炮

杏仁各五分 甘草四分 加生薑水煎服

華陀愈風散 治產後中風口噤。牙關緊閉。手足瘓
癰如角弓狀。亦治產後血暈。不省人事。四肢強直。或

心眼倒築吐瀉欲死此藥清神氣通血脉其效如神

荆芥炒爲末每服三錢黑豆淬酒調服童便亦可口噤辨開灌之或吹鼻中

李瀕湖曰此方

諸書盛稱其妙姚僧坦集驗方以酒服名如聖

散藥下可立效陳氏方名舉卿古拜散蕭存敬

方用古老錢煎湯服名一捻金許叔微本事方

云此藥委有奇效神聖之功一產後睡久及醒

則昏昏如醉不省人事醫用此藥及交加散云

服後當睡必以左手搔頭用之果然皆殷產寶

方云此病多因怒氣傷肝或憂氣內鬱或坐遺

受風而成宜服此藥。鄭氏證治要法名獨行錄。

賈似道悅生隨抄呼爲再生丹

指迷方加當歸等分

沈云丁丑三月練唐金虎向第四娘產後變證伊

郎來請先述病狀云上年十月生產甚健至十二
月初旬面上浮腫驅風不應加麻黃三帖通身脹
腫小便不利更用五皮雜治反加脝凸更用肉桂
五苓小便畧通脹亦稍減續用桂附八味其腫漸
消惟右手足不減忽一日口眼歪斜左手足不舉
舌不能言因作血虛治變爲俯不得仰數日後吐
黑血盈盂吐後俯仰自如旬餘復不能仰又吐惡

血而定。投以消瘀，忽然口閉目開如脫狀。伊母一夜煎人參三錢灌之得醒。醒來索飯喫一小盃。近日又厥灌人參不醒。已三晝夜矣。余遂往診。右手無脈。因腫極。不以爲怪。左脈浮取亦無重按。則知循刀亦余曰。此是實證。停參可醫。遂用膽星半夏石菖蒲。柏皮。夫蟲地龍紫草水煎入竹懸。連丸。一劑知。四劑手足能舉。不換方。十二劑能出外房。診脈。諸病悉退。惟舌音未清。仍用前方而愈。翁問奇病之源。余曰。人身臟腑接壤。受胎後。腹中遂增孕物。臟腑之機括。爲之不盡。五液聚爲痰飲。故胎動

病痰滯居半。于金半夏茯苓湯所以神也。至臨產時痰涎與惡血齊出。方得無病。若止血下而痰飲不下。諸病叢生。故產後理血不應。六神湯爲要藥。此證初起不過痰飲阻滯氣道作肺。血本無病。用五苓腎氣腫減者。痰滯氣道得熱斬開故也。久投不已。血分過熱。致吐血兩次。至若半身不遂。口眼歪斜。舌絡不靈。俱是痰滯經絡見證。即厥亦是痰迷所致。並非虛脫。故消痰通絡病自漸愈。何奇之有。

補按此等真識。皆從閱歷而來。朱生甫令郎仲和

之。至姪後患此醫治不能除根。再產亦然。延已數年。繼復懷妊。病發益頻。余用大劑滌痰藥服月餘。產後安然。病根竟少。

農澤一婦產後十餘日。延我師金大文診視。余從據述新產時證似虛脫。服溫補藥數劑。近日變一怪證。左邊冷。右邊熱。一身四肢盡然前後中分。冷則如冰。熱則如炭。鼻亦如之。舌色左白右黑。師問曰。此是何病。用何方治。余曰。書未會載。目未曾睹。不知應用何方。師曰。奇證當於無方之書求之。經不云乎。左右者陰陽之道路也。陰陽者水火之氣。

兆也。敗血阻住陰陽升降道路，不能旋轉。陽盛處自然陰盛，處自寒。所以偏熱偏寒，用澤蘭、白芍、劉季奴、蘇木、桃仁、琥珀等藥兩劑，病勢減半。服不應，遂更醫雜治，以至不起。由今思之，此證不但血阻，必兼痰滯。我師見及阻住陰陽升降道路，病源已經識出，特跳不出產後消瘀圈子耳。倘通瘀不應，即兼化痰。或者如前案金婦得起，未可知也。此時彭尚初學，我師見識過人，特未悟微痰滯一證，惜哉。

薛案：郭茂恂嫂金華君，產七日不食，始言頭痛，頭痛

已。又心痛作。既而目睛痛如割如刺。更作更止。相去無瞬息間。每頭痛欲取大石壓良久漸定。心痛作則以十指抓臂。血流滿掌。痛定目復痛。復以兩手自剜目。如是十日不已。眾醫無計。進黑龍丹半粒。疾少間。中夜再服。乃瞑目寢。如平時至清晨下一行約三升許。如蝗蟲子。病減半。已刻又行如前。痛盡除。

黑龍丹 治產難及胞衣不下。血迷血骨。不省人事。一切危急惡候。垂死者。但灌藥得下。無不全活。

當歸

五靈脂

川芎

良薑

熟地

各二兩
剉碎入

炒銅內細筋鹽

百草霜

一兩

硫黃

乳香

各二琥珀

花粉白蜜各一錢
細末醋糊丸如粟

子大每用一錢
艾炭火煅紅投入生薑自然射

中浸碎以鹽糊合油糊灌下

小便不通

產乳集用鹽填臍中令平葱白搗鋪一指厚安鹽上
以艾炷餅上灸之覺熱氣入腹內卽通最靈

沈按此法不效必是氣虛不能升舉黃耆補氣之
中已寓上升之性用以爲君五錢麥冬能清土源
用以爲佐一錢五分白通草通利達下用以爲佐

八分水煎服之

尿血

大全云。產婦尿血。面黃脹脹少食。此肝火乘脾土也。
弗加朱逍遙散。補中湯煎服可愈。

尿胞被傷小便淋瀝

丹溪云。嘗見收生者不謹。損破產婦尿脬。致病淋漓。
遂成瘕症。有一婦年壯難產得此。因思肌肉破傷在外者。皆可補完。脬雖在裏。諒亦可治。遂診其脈虛甚。
予曰。難產之由。多是氣虛。產後血氣尤虛。試與峻補。
因以參耆爲君。葛歸爲臣。橘仁陳皮茯苓爲佐。煎以
猪羊脬煎湯。撻飢時飲之。但劑小。率用一兩至二兩。

而安。蓋令氣血驟長，其脾自完。恐少緩亦難成功矣。
又產時尿胞被傷，小便淋瀝，用這一瓣蘭燒存性作末。
服一月可愈。繆德仁治驗

玉門不閉

丹蔴酒水煎作藥，宜早服，久則效微。此方治肝湯外同大柴子

腹敷

薛立齋云：氣虛血弱，十全大補湯主之。

玉門脣脹妍痛

薛云：是肝經虛熱，加味逍遙散主之。

坐草過早，產戶傷壞，紅腫潰爛，痛不可忍，用蒸包子籠內荷葉煎湯洗，日三次。兩日可愈
繆德仁治驗

陰脫

陳無擇云。產後陰脫。如脫肛狀。及陰下挺出。逼迫腫痛。舉動房勞即發。清水續續。小便淋瀝。硫黃烏賊骨各二兩。五味子二錢半。爲末。繆之。日三次。

子宮下

丹溪云。一產子後。陰戶下一物。如合鉢狀。有二歧。其夫來求治。予思之。此子宮也。必氣血弱而下墜。遂用升麻當歸黃耆幾帖。與之。半日後。其夫復來云。服二天後。覺响一聲。視之已收。陰戶訖。但因經宿。耽著席上。破一片。如掌心大在席。某妻在家哭泣。恐傷破不能生。予思此非腸胃。乃脂膏也。肌肉破。尚可復完。

表裏血充盛必無胎漏。每服四物湯加人參與百帖
三年後復有子。

治子宮下黃耆一錢半人參一錢當歸七分升麻三分甘草二分作一帖水煎食前服外用五倍子末泡湯洗又用末傅之如此數次宜多服藥永不下。

產戶下物

丹溪云一婦三十餘歲生女二日後產戶下一物如手帕下有帕尖約重一觔予思之此因胎前勞乏傷氣或肝瘻所致卻喜血不甚虛耳其時歲暮天寒恐冷乾壞了急與炙黃耆二錢人參一錢白朮五分當

歸一錢半升麻五分三帖連服之卽收上得汗通身
方安但下翳沾席處乾者落一片約五六兩重蓋脂
膜也食進得眠診其脈皆濡左畧弦視其形卻寬與
白水白芍各半錢陳皮一錢生薑一片煎二三帖以
養之

水道下肉線

一產後水道中下肉線一條長三四尺動之則痛欲
絕先服失笑散數帖次以帶皮薑三筋研爛入清油
二筋油乾爲度用絹兜起肉線屈曲於水道邊以
繃繫之每剝去水道縮其本半二六日卽盡

人再服失矣。散芎歸湯調理之。如肉線斷，則不可治。

乳汁不通

涌泉散。山甲炮研末。酒服方寸匕。日二服。外以油梳
乳。卽通。見經疏

陳自明婦人良方曰。子婦食素。產後七日乳汁不行。
赤小豆一升煮粥食之。當夜卽行。一婦乳汁不行。
煎當歸八錢服。卽通。王不留行、白通草、穿山甲、是
要藥。

回乳

無子與此乳不消令人發熱惡寒用大麥芽二兩炒爲末每服五錢白湯下丹溪

乳頭碎裂

丹溪老黃茄子燒灰傅之

(翻目)丁香末傅之

吹乳

繆仲淳云。如乳內外吹乳。乳癰不外陽明厥陰二經之病。摘葉最妙。又用生半夏一箇研末。生葱頭一段研裏。左右互塞鼻。神驗。又於山中掘野芥菜去葉用根。洗淨搗爛。無灰酒煎數滾。飲一二次。卽以清退患處。凡乳癰未成。或腫或硬或脹痛者。無不立

消癰治經驗野芥菜。一名夫芥菜。又名鷄哥草。似芥菜而畧矮小。其根數出如蘭根。用以治乳。想其形似乳囊也。故用有驗。附圖

乳瘡細膚方發

活小鯽魚一尾。剖去腸。同生山藥寸許。搗爛塗之。少頃發痒。卽愈。屢驗。無山藥。卽芋奶奶亦可。

乳瘡已成

胡桃膈瓦上焙燥研末。每服三錢。紅糖調勻。溫酒送下。三服。無不全愈。

又方用玫瑰花五七朵。

軟者酌酒煎服。燙酒極熱。冲服亦可。

卽以花瓣摘散鋪貼患處三兩次可愈。卽已成硬

塊者亦可消散。

曾經治驗數人
陳藏安附識

乳巖

坎炁洗淨切薄焙燥研末日哭一條酒下約二十條

效。

穆德有治驗半
年以内者效

又狗糞東丹獨囊葵三味搗勻摊布上勿用膏藥令
粘貼止微痛數日可愈。

沈按乳巖初起堅硬不作膿其成也肌肉疊起形
似山巖病起抑鬱不治之證方書云桃花開時死。
出鮮血者死余見一婦患此已四年診時出鮮血

盈志以爲必死。日服人參錢許。竟不死。明年春桃花大放。仍無恙。直至秋分節。候方斂。此婦抑鬱不得志。誠是肝病。然不死於春而死於秋。何哉。豈肝病有二。其太過者死於旺時。其不及者死於衰時耶。此證本屬肝病。移以坎炁補腎。而愈亦理之不可解者。

外有方附後。瘍科方選中。

雜按。失臚通曰。當歸、芎、芍爲產後要藥。然惟血寒而滯者爲宜。若血虛而熱者。斷不可用。蓋常歸香氣濃。甚於麻辛。急走善行。不能靜守。止能運血。

寒多益氣。始遠血液。虧孤陽。上冒等證。而欲望其
補血。不亦愚哉。芎藭有車輪紋。其性更急於當歸。
蓋物性之偏長於通者。必不長於守也。世人不敢
用芍藥。而恣用歸芎。何其顛倒哉。余謂今人血虛
而熱者爲多。產後血液大耗。孤陽易浮。吳氏此言。
深中時弊。又論達生篇所用方藥。未可盡信。皆先
得我心之同然者。詳見解產難醫者。宜究心焉。

雜病

熱入血室

仲景傷寒論云。婦人傷寒發熱。經水適來。晝日明了。

暮則譫語如見鬼狀者此爲熱入血室無犯胃氣及上二焦必自愈。

又婦人中風發熱惡寒經水適來得之七八日熱除而脈遲身涼胸脇下滿如結胸狀譫語者此爲熱入血室也當刺期門隨其實而瀉之

又婦人中風七八日續得寒熱發作有時經水適斷者此爲熱入血室其血必結故使如瘡狀發作有時小柴胡湯主之

(沈按論言勿犯胃氣及上二焦者謂不可攻下并不可吐汗也然有似是實非之證不可不辨)

陳良甫曰脈遲身涼而胸脇下滿如結胸狀譖語者當刺期門穴下針病人五吸停針良久徐徐出針凡針期門穴必瀉勿補肥人二寸瘦人寸半

許學士治一婦病傷寒發寒熱遇夜則如見鬼狀經六七日忽然昏寒涎響如引鋸牙關緊急瞑目不知人病勢危困許視之曰得病之初曾值月經來否其家云經水方來病作而經遂止後一二日發寒熱晝雖靜夜則見鬼昨日不省人事許曰此是熱入血室證醫者不曉以剛劑與之故致此當先化瘀後治其熱乃急以呷散投之兩時許涎下得睡卽省人事次

投以小柴胡湯加生地二服。不汗而熱遂除。

又一熱入血室證。醫用補血調氣藥治之數日遂成血結胸。或勸用前藥。許曰。小柴胡已遲不可行矣。刺期門則可。請善針者治之。如言而愈。或問何爲而成結胸。許曰。邪氣乘虛入於血室。血爲邪所迫。上入肝經。則譫語見鬼。復入肺中。則血結於胸中矣。故觸之則痛。非藥可及。當用刺法。

一婦熱多寒少。譫語夜甚。經水來三日。病發而止。本家亦知熱入血室。醫用小柴胡數帖。病增。舌色黃燥。上下齒俱是乾血。余用生地丹皮麥冬等藥。

不應藥入則乾嘔脈象弱而不大因思弱脈多火
胃液乾燥所以作嘔遂用白虎湯加生地麥冬二
劑熱退神清唯二十餘日不大便爲苦與麻仁九
三服得便而安

二室女發熱經來醫用表散藥增劇譫語夜甚投
小柴胡不應夜起如狂或疑蓄血投涼血消瘀藥
亦不應左關脈弦硬搏指詢知病從怒起因用膽
草黃芩山梔丹皮羚羊角蘆薈甘草歸身等藥煎
服一劑知四劑愈

一張儀表令愛發熱經來昏夜譫語如見鬼狀投小

柴胡增劇。詢其病情云。醒時下體惡寒。即憤時亦嘗牽被斂衣。因悟此證平素必患帶下。且完姻未久。隱曲之事未免過當。復值經來過多。精血兩虧。陰陽並竭。其惡寒發熱。由陰陽相乘所致。非外感熱邪深入也。悞投發散清熱證同。亡陽傷寒論云。亡陽則譫語。內經云。脫陽者見鬼是也。因用腎氣丸早晚各二錢。神氣即清。隨以蕤蓉易桂附數劑全愈。此卽前所云似是實非之證不可不辨者也。堯封自記

咽哽

金匱婦人咽中如有炙脔。半夏厚樸湯主之。

子金

所云。咽中帖帖如有炙肉。吐之不出。吞之不下。是也。

半夏厚樸湯

半夏一升

厚樸三兩

茯苓四兩

生薑五兩

蘇葉二兩

水煎分四服

日三夜一

癥爛

婦人臟燥悲傷。欲哭象如神靈所作。數欠伸。甘麥大棗湯主之。

甘草三兩

小麥一升

大棗十枚

水煎三分

服

陰寒

婦人陰寒。溫陰中坐藥。蛇床子散主之。蛇床之末。

以白粉少許和合相得如棗大綿裹納之

陰吹

胃氣下泄陰吹而正喧此穀氣之實也猪膏髮煎導之

猪膏半觔

亂髮

如鷄子
大三枚

和膏中煎之髮消藥

成分再服

稚按陰吹亦婦人恆有之事別無所苦者亦不爲病况屬隱微之候故醫亦不知耳俗傳產後未滿月而啖葱者必患此惟吹之太喧而大便難燥乃稱爲癥然仲聖但潤其陽明之燥則府氣自通仍

不必治其吹也

陰癩

善邑西門外三里有婦陰中極癢難忍。因寡居無人轉述。醫者莫知病情。治皆不效。至蘇就葉天士診。微露其意。葉用蛇床子煎湯洗內服。鹿二仙膠四日而愈。

陰蝕有用猪肝煮熟削如挺鑽孔數十。納陰中。良久取出。必有蟲在肝孔內。另易一挺納之。蟲盡自愈。亦良法也。

雄按尚有陰挺一證。用飛鷹兩

六

林七

五味

子

雄黃

各五錢

銅綠

四

末之煉蜜丸。每重四錢。

卽以方內雄黃爲衣。坐入玉門。重者二次必愈。

王宇泰女科證治準繩序云。婦人有專治方。舊矣。史

稱扁鵲過邯鄲。聞貴婦人。卽爲帶下醫。語兼長也。然

帶下直婦人一病耳。調經、雜證、懷子、免身、患苦百出。

療治萬方。一帶下寧。據盡之乎。世所傳張長沙雜病

方論三卷。婦人居一焉。其功用之奇驗。奈弗廣何。孫

真人著千金方。特以婦人爲首。蓋易基乾坤。詩首關雎。

唯之義。其說曰。特須教子女學習此三卷婦人方。令

其精曉。卽於倉卒之秋。向憂畏也。而精於醫者。未之

深許也。唐大中初白敏中守成都其家有因免乳死者訪問名醫得皆殷備集驗方三百七十八首以獻是爲產寶。宋時濮陽李師聖得產論二十一篇有說無方。醫學教授郭稽中以方附焉而陳無擇於三因方評其得失詳矣。婺醫杜牧又附益之是爲產育寶慶集。臨川陳自明良甫以爲諸書綱領散漫而無統節目簡畧而未備醫者局於簡易不能深求偏覽有纔進一方不效輒束手者有無方可據揣摩臆度者乃采摭諸家之善附以家傳驗方編葺成篇凡八門門數十餘體總三百六十餘論論後列方綱領節目。

燦然可觀。是爲大全良方。良方出而閨閣之調將大備矣。然其論多采巢氏病源。什九歸諸風冷藥偏獵。熱未有條分糾晰其宜否者。近代薛已新甫始取良方增注。其論酌寒熱之中。大抵依於養脾胃、補氣血。不以去病爲專。可謂救時之良醫也。已第陳氏所葺。多上古專科禁方。具有源流本末。不可沒也。而薛氏一切以己意芟除變亂。使古方自此湮沒。余重惜之。故於是編附存陳氏之舊。而刪其偏駁者。然亦存十分之六七而已。至薛氏之說。則盡收之。取其以養正爲生。追歸兩易。每雖女子學習無難也。若以水穀水師

弟則後長涉而精於醫者。吾方不論。具援是中通他書所無。有挾是而過邯鄲。庶無道少之患哉。其積德求子與夫安產藏衣吉凶方位。皆非醫家事故。削不載云。此第全集王守泰上科監法耳。既序王文寧太母若蘋書之門註

雄按若帶下。直婦人一病耳。未必人人病此。何以扁鵲聞貴婦人。卽爲帶下醫。緣帶下本女子生而卽有之事。原非病也。後人以帶脈不主約束一語。遂以女人之遺漏。稱爲帶下之證。然則扁鵲之爲帶下醫。猶今之幼科自稱痘醫也。痘雖幼科之一證。而亦人人必有之事。且世俗無不貴小兒者。所

以人多樂爲痘醫耳。

集方

論中所列各方有彼此互見者集錄於此以便簡農其專治者不復錄

補養

門禁及分功炮製半參

細切薄薑方集解所錄

六味丸

陽錢仲

治肝腎不足真陰虧損精血枯竭

地黃

沙仁酒拌九蒸九晒八兩

山茱肉

酒潤四兩

山藥

四兩茯苓

丹

皮澤瀉

各三兩

蜜丸

空心鹽湯下冬酒下

六味地黃湯

治同上

前方煎服

八味丸

崔氏

前方加肉桂附子各一兩名桂附八味丸治相火

不足。尺脈弱者宜之。

亦治婦人轉胞。

前方加黃柏知母各二兩。名知柏八味丸。治陰虛火盛。尺脈旺者宜之。

腎氣丸

金匱

桂附八味丸。加車前牛膝劑。用地黃四兩。山藥以下皆一兩。茯苓三兩。附子五錢。製

杰按。金匱要略。用桂枝無車前牛膝。治婦人轉胞。此名加味腎氣丸。係治水腫。

青娥不老丸

集解。祇名青娥丸。未可知。是一是二。

治腎虛腰痛

破故紙

十兩。酒蒸爲末。

胡桃肉

十二兩。去皮研爛。

杜仲

一兩。炒去

絲

生薑

炒蒜

各四兩

蜜調爲丸

又丹溪青娥丸止用故紙

四兩
土炒

仲

四兩
生薑

二兩
半炒

胡桃肉三十個

蜜丸

桐子大每服四五十九粒酒下

黑錫丹

治陰陽不升降上盛下虛頭目眩運

黑鉛

二兩硫黃

二兩將鉛鎔化漸入硫黃候結成片傾

地上出火毒研至無聲爲度

參芩白朮散

治脾胃虛弱飲食不消或吐或瀉

人參

白朮

土炒

茯苓

甘草

炙

山藥

炒

扁

豆炒

薏仁

炒

蓮子肉

去心炒

陳皮

砂仁

桔

梗爲末每三錢棗湯或米飲調服

八珍湯

治心肺虛損氣血兩虛

心主血肺主氣

人參

白朮土炒

茯苓

甘草

當歸酒

生地

芍藥

芎藭

十全大補湯

八珍再加黃耆以助陽固表加肉桂以壯火歸元
金匱曰虛者十補勿瀉之是也

補中益氣湯

東垣治一切清陽下陷中氣不足之證

黃耆蜜炙

人參

甘草炙

白朮土炒

升麻

皮當歸

當歸五分

柴胡三錢

薄荷三錢

甘草一錢

枚煎

歸脾湯

清生

治心脾受傷不能攝血致血妄行及婦

人帶下

人參

白朮

土炒

茯神

棗仁

炒

龍眼肉

二錢

黃耆

一錢

當歸

酒洗

遠志

錢

木香

甘草

五分

炙

薑棗煎

四物湯

治一切血虛及婦人經病

當歸

酒洗

生地黃

芍藥

各二錢

芍藥

錢炒

芎藭

一錢

川芎

半錢

阿膠

一錢

奇效四物湯

治失血內崩

當歸

酒洗

熟地黃

芍藥

炒

芎藭

炒

川芎

炒

阿膠

一錢

艾葉

炒

黃芩

炒

杏仁

錢

大棗

半錢

甘草

三分

桂枝

二錢

白芍

三錢

芎歸湯

一作歸芎湯未知是二類考

治產後血虛頭痛胎動下

血服此卽安子死腹中服此卽下催生神效亦名當歸湯若腹疼加桂若腹痛自汗頭眩少氣加羊內

當歸

三五錢

川芎

錢

若爲末

石佛手散又名一

奇散又名君臣散

又有神妙微

手散未考

加味芎歸湯

川芎當歸各一兩

生地熟板一具陳

炙生過男女婦人頭髮一握燒

性治分婬交骨

日不下垂死者每用一
兩水煎服良久自下

當歸芍藥散

金匱

治懷妊腹中病

性不問或五七

當歸

三兩

芍藥

一兩

茯苓

四兩

白朮

四兩

澤瀉

半

勑

芎藭

兩

右六味爲散取方寸七酒和日三服

膠艾

湯金匱

治婦人衝任虛損經水淋瀝及血虛下

痢并妊娠腹痛爲胞阻

當歸

兩

芍藥

兩

乾地黃

六兩熟

芎藭

兩

艾

葉

兩

阿膠

各二

甘草

各二

右七味以水五升清酒三升合煮取三升去渣納
膠令消盡溫服一升日三

仲景黃連阿膠湯治傷寒少陰病得之三日以上心煩不得臥

黃連

四兩

黃芩

一兩

芍藥

二兩

阿膠

三兩

雞子黃

二

用生

杰按陰氣爲陽熱所灼也用此以收攝其欲亡之
微陰故沈謂子煩陰虛火甚者宜服此

祛寒

大建中湯金匱治心胸中大寒痛嘔不能飲食腹中
寒氣上衝皮起出見有頭足上下痛而不可近者

杰按心爲陽寒爲陰寒乘於心陰陽相激故痛寒
乘於脾脾冷不消水穀心脾爲子母之藏爲邪所
乘故痛而嘔復不能飲食也

蜀椒二

乾薑四

人參二

薑去滓入飴糖一

升微煎溫服

未按陽受氣於胸中陽虛則陰邪得以中之陰寒之氣逆而上冲橫格於中焦故見高起痛幅不可觸近之症
蜀椒辛熱入肺散寒入脾暖胃入腎門補火乾薑辛熱通心助陽逐冷散逆人參甘溫大補肺脾之氣飴糖甘能補土緩可和中所以太
祉下焦之陰而復上焦之陽也

小建中湯

仲景治

傷寒二三日心悸而煩
通治虛勞悸衄裏急腹痛

夢遺失精
傷寒二三日心悸而煩
通治虛勞悸衄裏急腹痛

太按三陰下利而腹痛者裏寒也宜溫也四逆湯附子理中湯腸鳴泄瀉而痛者裏虛有寒也宜小建中溫中散寒悸者陽氣虛也煩者陰血虛也與此湯先建其裏倍芍藥者酸以歛陰陰收則陽歸附矣。喻嘉言曰虛勞病至於亡血失精精血枯槁難爲方矣急宜建其中藏使飲食進而陰血旺故但用稼穡作甘之味生其精血而酸辛鹹苦絕所不用舍是無良法也。

桂枝 六兩 生薑 三兩 甘草 一兩 大棗 十二枚 芍藥 六兩 入飴糖 一升微火解服

此卽桂枝加芍藥湯

薄耳其不名桂枝加芍藥而名建中以飴糖爲君也今人用建中者不用飴糖失仙景之意矣

不去薑桂

所以散邪

吳鶴臯曰桂枝當

是桂桂

枝味薄

用以解表桂味厚

用以建裏

黃耆建中湯

金匱

治虛勞諸不足

準猶曰血不足而

生血此仲景之妙法

蓋稼穡作甘甘能補

氣血之海氣血所從生也卽補血陽者五倍於陰

卽大能

義歸之

卽前方加黃耆兩半

黃耆易當歸名當

歸建中

湯治產後虛羸不足腹中痛引腰背小

腹拘急若崩傷

不止加地黃阿膠

理中湯仲景

治傷寒太陰病

自利不渴寒多而嘔

痛癟滯脈沉無力或厥冷拘急或結胸吐寒

或及感

寒霍亂

白丸

陳生土炒二兩

人參 乾薑 炮

甘草一兩

每服

四錢本方等分蜜丸名理中丸

附子理中湯 治中寒腹痛身痛四肢拘急

即前方三兩加附子一枚

補中湯 治泄瀉漏不已者加附子

理中湯加陳皮茯苓 改加青皮陳皮名治中湯

治太陰傷寒腹滿痞悶兼食積者

四逆湯仲景治三陰傷寒身痛腹痛下利清穀惡寒

不汗四肢厥冷或反不惡寒面赤煩躁裏寒外熱或
乾嘔或咽痛脈沉微細欲絕

附子

一枚全用

乾薑

二兩

甘草

二兩炙

冷服

面赤者格

陽於上也

加葱九莖以通陽腹痛者真陰不足也

加芍藥二兩以斂陰咽痛陰氣上結也

加桔梗一兩以利咽止痛脈不出加人參二兩以助陽補氣

血嘔吐加生薑二兩以散逆氣

上皆通脉之法
湯加減

真武湯

仲景

治少陰傷寒腹痛小便不利四肢沉重

疼痛自下利者此爲有水氣或咳或嘔或小便利及

太陽病發汗汗出不解仍發熱心悸頭眩筋惕肉瞤

振振欲擗地氣寒惡寒

此亦腎中陽虛見症仍屬少陰方名真武蓋取固腎之義

附子

一枚炮

白朮

二兩炒

茯苓

三兩

芍藥

三兩炒

生

薑

三兩

冰

寒相搏咳者加五味子細辛乾薑小便利去茯苓
下利去芍藥加乾薑嘔去附子加生薑一倍

附子湯仲景治少陰病身軀痛手足寒骨節痛脈沉
者及少陰病得之二三日口中和背惡寒者

前方去生薑加人參二兩

烏梅丸仲景治傷寒厥陰證寒厥吐衄傷寒
微而厥至七八日膚冷發燥無暫安時也死藏厥者脈
上入膈則煩須臾復止得食則嘔而又煩燒闇食臭
復出也此爲藏寒當當此丸溫散安蛔亦治胃府發咳嗽而嘔嘔甚則
長蟲出亦主久利

烏梅

三百

細辛

桂枝

人參

附子

丸

黃

柴六兩

黃連一兩

乾薑十兩

川椒去汗四兩

當歸四兩

苦酒醋也

浸烏梅一宿去核蒸熟和藥蜜丸

祛風

小續命湯

于金

治中風不省人事神氣潰亂半身不

遂筋急拘攣口眼喎斜語言蹇澁風溼腰痛痰火併

多六經中風及剛柔二瘻亦治產後中風

論見前要

麻黃去節去梗

杏仁去皮尖炒研

桂枝

白芍酒炒

甘草

炙人參

川芎

黃芩

防已每兩一錢

防風半兩

附子半兩炮去皮

膀胱每服三錢或四五錢加薑棗煎溫服

取微汗筋急語遲脈弦者倍人參去芩芍以避

中寒服後稍輕再加當歸 煩躁不大便去桂附

倍芍藥加竹筒瀝熱去附子入白附子亦可 如不

大便日久胸中不快加大黃枳殼如藏寒下利去

黃芩防已倍附子加朮 嘴逆加半夏 語言蹇

澁手足戰掉加菖蒲竹瀝身痛發搐加羌活

渴加麥冬花粉 燥渴多驚加犀角羚羊角汗多

去麻杏加白朮 舌燥去桂附加石膏

獨活湯 丹溪 治風虛癲癎昏憒不覺或爲瘧熱

獨活 差活 防風 細辛 桂心 白薇

歸 川芎 半夏 人參 茯神 遺志 菖蒲

五錢

甘草

二錢半錢

每服一兩加薑棗煎

愈風散

華陀

治產後中風口噤角弓反張亦治血暈不省人事四肢強直

方見產後角弓類亦名如聖散

化痰

三陳湯

局方

治一切痰飲爲病咳嗽脹滿嘔吐惡心

頭眩心悸

半夏

舊製二錢

陳皮

去白二錢

茯苓

去皮一錢

甘草

五分

加薑

煎

半夏陳皮貴其陳久則無燥散之患故名二陳

干金半夏茯苓湯

治妊娠惡阻煩悶吐逆惡食頭眩體重惡寒汗出等症

半夏 生薑

乾地黃

茯苓

橘皮

旋覆花 細辛

人參

芍藥

葛鶴

桔梗

甘草

各十
二銖

車氏

祖用入

味去細辛川芎桔梗

之升提芍藥之酸欽尤爲盡善

之升提芍藥之酸欽尤爲盡善

之升提芍藥之酸欽尤爲盡善

之升提芍藥之酸欽尤爲盡善

右十二味㕮咀以水一斗煮取三升分三服若病
阻積明日不得治及服藥冷熱失候病變客熱煩
渴口生瘡者去橘皮細辛加前胡知母各十二銖
若變冷下利者去地黃入桂心十二銖若食少胃
中虛生熱大便閉塞小便赤少者宜加大黃十八
銖去地黃加黃芩六銖餘依方服一劑得下後消
息看氣力冷熱增損方更服一劑湯便急使茯苓

丸令能食便強健也忌生冷醋滑油膩

方論見惡阻門

千金茯苓圓

茯苓

人參

桂心

乾薑

半夏

橘皮

兩

白朮

葛根

甘草

枳實

各二兩

右十味蜜丸梧子大

飲服二十九丸漸加三十九日

三朋後不用乾薑半夏橘皮白朮葛

根止用五物又云妊娠忌桂故無

又方此在景岳全書名竹節湯治孕婦嘔吐不止惡心少食服此

止嘔清痰

青竹茹

橘皮

各十

茯苓

生薑

各一

半夏

銖

三十

右五味水六升煮取二升半分三服

千金橘皮湯 治妊娠嘔吐不下食

竹茹

橘皮

人參

白朮

各十
入銖

甘草

五
兩

厚
生薑

模

銖十二

右六味水七升煮取二升半分三服

附參金匱單用

橘皮湯又橘皮

三
升

竹茹

二
升

人參

一
升

甘草

五
兩

大棗

三十
枚

名橘皮竹

茹湯

均治噦逆

後人又因金

芥

此把葉亦名橘皮

清肺湯治虛人

噦逆

大神湯

治產後痰迷

神昏譖語

驚竇不斷者甚或

半身不遂

口眼歪斜

方

爾見前

後卷中

杜制橘紅

右滿滿

全夏連

半夏亦可

膽星

然

神

旋覆花

各一錢
加減流

理氣

紫蘇飲

嚴氏治胎氣不和湊上心胸腹滿痛悶名爲

和湊上心胸腹滿痛悶名爲

子懸

胎至四五君相二火

故

紫蘇

一兩

陳皮

一錢

人參

一錢

川芎

一錢

橘皮

白芍

當歸

三分

甘草

一分

剉分三分水一盞生

薑四片葱白煎去渣服一方

無川芎名七寶散

汪訥菴醫方集解載此蘿葉

止一錢當歸七分

甘草二分餘皆五分

天仙藤散

陳景初製

木名香附散治子氣腫脹

天仙藤

卽青木香
藤洗器焙

香附炒

陳皮

甘草

烏藥

木香

等分

剉末

每服五錢加生薑三片紫蘇

五葉水煎口三服

腫消止藥

汪本無木香有木

聖瓜

三

木香散

王師復

治妊娠四五月後每胸腹間氣刺滿痛

或腸鳴囁逆減食

此由忿怒變思飲食失節所致

義北

木香

丁香

甘草

鹽湯下

抑氣散

丹溪

治婦人經將行而痛氣之滯也

四物加胡索

丹皮

條芩

又抑氣散最氏治婦人氣盛於血變生諸證頭暈腹瀉

香附

四兩

陳皮

壹兩

茯神

甘草

炙

爲末每服

二錢

抑青丸 大渴肝火治左脇作痛婦人怒氣傷肝胎

氣上逆致嘔逆水飲不能入黃連一味吳萸湯浸一宿爲丸

札赭旋覆湯

仲景

治傷寒發汗若吐若下解後心下

痞鞕噫氣不除

邪雖解胃弱不和

虛氣上逆故也

又周揚俊曰余每借以治反胃噎食氣逆不降者

神効活人云有代赭旋覆證氣虛者先服四逆

湯消寒者先服理中湯後服此湯爲良

旋覆花卽金沸草三兩

代赭石

生石膏

人參

甘草

甘草

半夏升生薑

大棗

一枚

旋覆花湯

金匱要略

旋覆花
葱
新絳

逍遙散局方治血虛肝腫骨蒸潮熱口乾便澀月經不調

柴胡當歸芍藥

白芍酒

白朮土炒

茯苓

姜

甘草炙五分加煨薑薄荷煎本方加丹皮梔子名加味逍遙散

小柴胡湯

仲景治傷寒七

風少陽證往來寒熱胸脇

痞滿默不欲食心煩喜

嘔或腹中痛或脇下痛或

渴或咳或利或悸小便不

利口苦耳聾脈弦或汗後

餘熱不解及春時嗽發甚

寒熱婦人傷寒熱入血室

小柴胡在經主氣在臟
主血故更入血室

柴胡八兩 半夏半升

人參 甘草 黃芩

生薑三兩 大棗十二枚

理血

小柴胡飲子 治男婦不焦

熱結尿血淋漓者者爲血
淋不痛者

小柴胡飲子 治男婦不焦
爲溺血 論見
妊娠經來頰

小蘿

蒲黃炒

藕節

滑石

木通

生地

梔子

炒

淡竹葉

當歸

甘草

各五分

導赤散

錢氏

治小腸有火便赤淋痛

論見帶下類

生地黃

木通

甘草

淡竹葉

等分煎

血極膏

羅謙甫

治婦人汚血凝滯胞門致成經閉

論見

經閉

大黃一味爲末醋熬成膏服之利一二行經血自

下

過胞湯

王金

治二三十年不產育胞中必有積血

見

求子

模硝

丹皮

當歸

大黃

桃仁

生用各三錢

厚

模

桔梗

人參

赤芍

茯苓

桂心

甘草

牛膝

橘皮

絡二錢

附子

六錢

蠶蟲

水蛭

各十枚

右十七味㕮咀以清酒五升水五升合煮取三升分四服日三夜一每服相去三時覆被取微汗天寒汗不出著火籠之必下膾血務須斟酌下盡二三服卽止如大悶不堪可食酢飯冷漿一口卽止然恐去惡不盡忍之尤妙

奪命散

治產後惡露不行眩暈昏冒

論見產後眩暈門及惡露門

不

沒藥

去油
二錢

血竭

蜜
錢

共研末分兩服糖調酒下

奪命丹

良方
二錢

治療血入胞脈滿難下急服此卽消胞

衣自下

杰按似與前論惡閉致喘證未對姑列此以俟再

考

附子

炮半
兩

乾漆

研之炒
盡

牡丹皮

各一
兩

右爲細末另用大黃末一兩以好醋一升同熬成膏和前藥丸桐子大溫酒吞五七丸一方有當歸

毒
兩

花蕊石散 治血入胞衣服大不能下或惡露上攻

或寒凝惡露不行

花蕊石

四兩

硫黃

一錢

研細泥封

服一錢童

便下

又葛可久花蕊石散 治畧同上

花蕊石 煅存性研如粉以童便一盞男人入酒
少許女人人醋少許煎溫食後調服三錢甚者五
錢能使瘀血化爲黃水後用獨參湯補之非寒凝
者不宜

此

無極丸 治惡露不行發狂譖語血瘀之輩者

失笑散局方治惡露不行心包絡痛或死血腹痛不

利小便

卷之二

不省人事

蒲黃淨者等分炒爲末煎膏醋調服或用二三錢酒煎熱服

如神湯此治產後血腰痛下注兩股如錐刺

延胡當歸 肉桂 等分水煎服

一味參蘇飲

人參 蘇木

清魂散

此治產後惡露已盡忽昏暎不知人氣虛

血弱又感風邪也

澤蘭葉

人參各二錢半

荆芥一兩

川芎五錢

甘草

右爲末用溫酒熬湯各半盞調滌一二錢噙下咽卽開眼更宜燒漆氣淬醋炭于牀前使聞其氣伏龍肝散 治大小產血去過多不止

伏龍肝

黑龍丹亦名琥珀丹 治產難及胞衣不下血迷血晕不省人事一切危急惡候垂死者但灌藥得下無不全活亦治產後疑難雜證案見奇效中

當歸
砂鍋內紙筋鹽泥固濟火煅過
五靈脂淨者
川芎
良薑
熟地各二兩
百草霜一磚入
硫黃
乳香各二錢

琥珀

花蕊石

各錢

爲細末

醋糊丸

如彈子大

每

用一二丸炭火煅紅投入生薑自然汁中浸碎以

童便合酒調灌下

托裏散

治一切惡瘡發背疔疽便毒始發腫脹洪

實數腫甚欲作膿者亦治產後瘀血將成膿

論見
癰

金銀花

當歸

兩

大黃

橫硝

花粉

速翹

牡蠣

皂角刺

三錢

黃芩

赤芍

五錢

牛酒半

水煎

蠟燭丸

治一切瘡瘍惡毒先服此丸護膜托裏使

毒不攻心或爲毒蟲蛇犬所傷並宜服之

黃蠟
二兩 **白礬**
一兩 先將蠟熔化候少冷入礬和勻爲丸酒下每服十九二十丸漸加至百丸則有力瘡愈後服之亦佳

太乙膏 治癰子瘡神妙
丹溪

腦子
一錢研 **輕粉** **乳香**
各二錢研 **麝香**
三錢研 **沒**

藥
四錢研 **黃丹**
五兩 右用清油一觔先下黃丹熬用柳枝攪又用葱兒葱七枝先下一枝熬焦再下一枝葱盡爲度下火不住手攪覶冷熱得所入膿子等藥攪勻磁器盛之用時旋攤

潤下

麻仁丸 仲景治便難脾約

大黃

四兩蒸

厚樸

枳實

即大承氣去芒硝也

麻仁

兩錢

杏仁

二兩去皮炒

芍藥

蜜丸

梧子

大每服三五

十九溫水下

丹溪書名

丹溪麻仁丸 治同上兼治風祕

郁李仁

麻子仁

名六兩另研

大黃

二兩半以半炒

山

藥

防風

枳殼

七錢半炒

檳榔

五錢

羌活

木香

各五錢半

蜜丸

梧子大服

七十九白湯下

平胃散

周方

治脾有停溼痰飲痞膈宿食不消滿悶

溏瀉

加橘皮善腐死

見產類

蒼朮

五兩

浸

厚朴

五錢

陳皮

各三錢

甘草

三十

兩

炒

藥

去白

炒

藥

右爲末

每服五錢

加薑三片棗一個煎入鹽一捻沸湯點

服亦得

見丹

漢書

安胎方

黃耆

蜜炙

杜仲

蜜炙炒

茯苓

各一錢

黃芩

一錢五分

白朮

生五兩

阿膠珠

一錢

甘草

三分

續斷

八分

胸

中服滿

川

加紫蘇陳皮各八分

分

下紅

加艾葉地榆

分

胸

各二錢

并多加阿膠引用糯米百粒酒二杯煎服

并多加阿膠引用糯米百粒酒二杯煎服

分

腹痛

地榆

分

胸

腹痛月

分

志火煎

保胎神佑

此方屢驗一有孕卽合起每日服之

胎易滑胎

者自無事且易產

白茯苓

一兩

於尤

一兩米泔浸一
日黃土炒香

條芩

一兩酒
持炒

香附

便

雨宣
炒

延胡

一兩半
醋炒

紅花

一兩隔紙烘乾

母草

淨

葉去
雨

真沒藥

三錢瓦上
焙乾去油

右爲末蜜丸

益

桐子大

桐子大
炒

五次切

每服七丸白滚水下若胎動一日可服三
五次切不可多服一丸至囑

杰按胎

前自是血熱動胎之故方中紅花行血延
胡走而

不守恐非保胎所宜況已有香附行氣氣
行血自

不滯何取動血之品宜去之爲穩

雄按每

足七丸故有奇效而無小損也男庸裁減

又按神符丸兼能調經種子大有殊功

養胎磐石丸

九

懷山藥

四兩
微炒

杜仲

去粗皮淨三兩
鹽水炒斷絲

川續斷

二兩
剪

爲末糯米糊爲丸如葵豆大每服三錢水

湯送下

乃確平常屢用屢驗乃異人所長也凡胎

欲墮者

一服即保住慣小產者宜常服之或每日

服數次

至慣半產之月即服之無不得全

銀苧酒

治好妊娠胎動欲墮腹痛不可忍及胎漏下

血

苧根

二兩
五錢

紋銀

一碗
如無苧之處用茅

草根五加水煎之

紫酒

消妊娠腰痛如折

黑料豆

二合炒熟焦酒一大碗煎至七分空心服

仙傳回急

保生丹此方得之神效驗異常

大紅鳳

仙子九寸

自鳳仙子

四十粒

自死龜板

一兩麻油

通梢懷牛膝

三錢

桃仁

一分

川芎

五錢

自歸身

五錢

鳳仙子

辦束包好

臨產時將餘藥

明分兩

爲末配入臨盆時米飲調服二錢遲則前

服一錢

父骨不開者卽開難產者不過三服

臨

益二月

內木方去鳳仙子入益母膏二兩每日早

來飲調服二錢劑臨盆迅速

胎元不足者勿服

產後瘀

血不淨變生病者或兒枕痛於本方內加炒紅薑

三錢酒炒馬料豆二合共爲末用童便半杯陳酒

半盃調服二三劑即愈唯鳳仙子只於臨盆時用

祖傳通津散爺玉

藥

治裂胞生及難產數日血

水足乾產月枯澀者在垂危者

龍眼肉

去核六兩

生牛膝梢浸

兩黃酒

將龍眼肉煎濃

汁沖入牛膝酒內服之等未日即產親教數人無

不奇驗

雜按龍眼甘溫能補益大益胎產力勝參耆宜

先期剝取淨肉貯瓮內每肉一兩加入白沙糖
一錢素體多火者併加西洋參片如糖之數羅以
絲綿一層日日放飯鍋內蒸之蒸至百次者良謂
之代參膏較生煎者功百倍矣晚時開水淪之其
汁盡出如遇難產卽併牛膝酒共淪更覺簡便凡
氣血不足別無痰滯便滑之病者不論男婦皆可
蒸服殊勝他藥也